

5 ZVJEZDA ZEMLJA



Ova zvijezda je u znaku zemlje, ona ima snagu. Može da privlači stvari, živa bića, ljude, novac, bogatstvo... Ljudi po ovom zvijezdom veoma su sretni, ali, ako ne shvate sve dimenzije svoje sreće, mogu da ih snađu i teškoće u životu. Oni su rođeni lideri, privlače i okupljaju ljude oko sebe, lako stječu veliki novac, pa čak i bogatstvo, ali, ako podlegnu pohlepi i postanu egoisti; lako mogu sve da upropaste. Sve ove osobine utječu na to da takvi ljudi idu iz krajnosti u krajnost: ili ih obožavaju ili stječu lošu reputaciju. Ove osobe imaju snagu za borbu i ako dobro procijene sve dimenzije poduhvata koji su poduzeti, mogu da dožive veliki uspjeh. Oni su često agresivni, imaju takmičarskog duha ali, ne vole da ih drugi vode. Zato je njihov uspjeh vezan za zahtjev da oni budu vođe, ili ono čime se oni bave zahtjeva individualnost. Ovi ljudi su veoma vješti u baratanju s novcem i tako mogu lako da se obogate. Pohlepa i škrtost omogućuje moguću njihovu propast kao posljedicu takovih aktivnosti. Ponekad su u mladosti suviše agresivni i ne nailaze uvijek na razumijevanje sredini. Pravo priznanje im stiže tek početkom srednjih godina. Ovi ljudi bi posebno trebali da njeguju komunikacije sa sredinom u kojoj žive. Ako suzbiju tvrdoglavost i egoizam, bit će omiljeni i prihvaćeni. To su veoma osjetljive osobe, koje bi često trebale da se preispitaju kako bi postigli društvenu ravnotežu. Suviše aktivnosti dovodi ih u opasnost od stresa, pa bi zato trebalo da mislite i na odmor.

